

جريدة محاکمته

۱۲۹۰

جمعه ایرتسی

نومرو	رجب	سنه	مارت	سنه	صحیفه
۳۴۴	۵	۱۳۰۳	۲۹	۱۳۰۲	۳۴۲۳

* اشبو غزته بهر هفته جمعه ایرتسی کونلری چیقار سنه لکی در سعادت ایچون مجیدیه
 * یکر می غروش حسابیله التمش غروشدر طشره لر ایچون اون بش غروش پوسته اجرتی ضم اولنور بهر
 * نسخه سی ینه مجیدیه یکر می غروش اولوق اوزره یوزپاره به هر یرده صاتیلور درج اولنه جق اعلاناتک
 * هر برندن بر مجیدیه اخذ اولنور سنه لکنه مشتری اولوق استیانلر عدلیه نظارتی دائره سنده کاشن
 * جریده محاکم اداره سنه مراجعت ایلیلیدر

قسمت سهی

(عدلیه نظارت جلیله سنندن فی ۳۰ تموز)
 (سنه ۳۰۱ تاریخنده بالجمله ولایات محاکم)
 (استینافیه سی مدعی عمومیلکر ینه یاز یلان)
 (تحریرات عمومیه نک صورتیدر)

طوتلقده اولدقلرندن ومدت نظامیه لر ینی اکیال
 ایدن افرادک دخی استبداللری بالطبع اجرا اولنه
 مدیغندن ناشی بعد ازین بومقوله افراد عسکریه
 مضمونلر ینک محاکمه لر ینک برآن اول اکیالیله
 و یر یله جک قرارلرک منسوب اولدقلری اداره
 عسکر یه لره تبلیغی اسبابنک استحصالی حقنده
 مقدا طرف عالی جناب سرعسکر یدن واقع اولان
 اشعار حکم قانونه ومقتضای عدالته موافق
 بولندیغندن اومقوله مضمون علیه اولان عساکر
 شاهانه افرادی حقنده اجرایی لازم کلان
 معاملات و محاکماتک تسریعیله برکونه
 تأخرات وقوعه کتورلما سی لزومی مقام نظارت
 ثنور یدن فی ۱۱ شباط سنه ۹۹ تاریخنده
 بالجمله عدلیه مفتشلکر ینه توصیه و اشعار قلمشیدی

مواد جزائییه دن طولانی افراد عساکر شاهانه دن
 مضمون کوستریلانلرک محلری مأمورین عدلیه سی
 جانبندن وقوعه اولان اشعارات رسمیه یه مستنداً
 اداره عسکر یه لره تحت توقیفه النهرق عند
 التحقیقات تبین ایده جک حاله کوره حققرنده لاحق
 اوله جق حکم لکر ییلدیلمسنه انتظاراتاً موقوف

بومقوله افراد عساکر شاهانه حقارنده لاحق
اوله جق احکام قانونیه نک بیلدیرلمسی لزومی بوکره
سر عسکر مشار الیه حضرتلری جانبدن باتدکره
اراز اولندیغنه وسالف الذکر تخریرات عمومیه ده
بوکا دائر صراحت یوقسه ده اصول محاکمات
جزاییه قانون موقتنک یوز سکسان بشنجی و اوچبوز
یکرمی اوچنجی ماده لری احکامنجیه مواد جزاییه دن
جنجه ماده لرنده استیناف و تمیز مدتلی تاریخ
تفهیم قرار دن اعتباراً باشلا بجهنجی کبی قباحتلرده
یوزاللی سکرنجی ماده حکمنجه مدت استیناف
اعلامک تاریخ تبلیغندن بدأ ایدوب جنسایت
ماده لرینه دائر لاحق اولان حکملر دخی رأساً
ورسماً تابع تمیز بولندیغنه نظراً بعدما افراد
وضابطان عسکریه حقنده در سعادت بدایت
واستیناف محکمه لرندن لاحق اوله جق حکملرک
بدایت واستیناف مدعی عمومیلری طرفلرندن
و محکمه تمیز دن افراد عسکریه حقنده ککرک
نقض و ککرک تصدیق حکمی متضمن ویر بله جک
اعلامات تمیزیه نک خلاصه حکمییه سی دخی
در سعادتده حصراً استیناف محکمه سی مدعی
عمومیلکی جانبدن مقام جلیل مشار الیه
وطشره لرده دخی ویر بله جک بومقوله حکملرک
مجلسی بدایت واستیناف مدعی عمومیلری طرفلرندن
ایشک منسوب اولدیغی اداره عسکریه نک
الک بیوک مأمورینه بیلدیرلمسی خصوصنک اصول
انخادی موافق حال و مصلحت کور یله رک کیفیت
هر طرفه تبلیغ و اشعار و اشپوت تخریراتک نسخ

مطبوعه کافیه سی لفاً تسیاری قلمش اولغله بعدازین
اومقوله خصوصاً برونوال محرر ایضای
معامله به همت

(عدلیه نظارت جلیله سندن فی ۲۳ کانون)
(ثانی سنه ۳۰۱ تاریخی بالجمله ولایات محاکم)
(استینافیه سی مدعی عمومیلکرینه تسطیر)
(و تسیاری اولنان تخریرات عمومیه نک)
(صورتیدر)

جر جس قسطنانک موصلده بولنان وکیل و برادری
حناقسطنانک حقنده موصل بدایت محکمه سندن
ویریلان اعلام صورتدن عدد کلمات اوزرینه
خرج الندیغی محلی محکمه سیله جریان ایدن مخابره
تیجه سندن اکلاشلش و حالبوکه در سعادت محاکم
جزاییه سندن بومثللو اعلامات صورتی هرکیم
طلب ایدر ایسه مقطوعاً اوتوز غروش خرج
الندرق ویرلمکده بولنش اولوب بوده خرج
تعرفه سنی تعدیل ایدن فی ۳۳ شوال سنه
۹۶ تاریخی تخریرات عمومیه نک ققره سادسه سنه
مسئند ایسه ده مذکور تخریرات عمومیه نک
التنجی فقره سی خرج تعرفه سنک قرق برنجی
ماده سنی بالکلیه فسخ ایتوب یالکرک اعلامک
اجراسی ایچون محکوم اولان طرفه تبلیغ ایدیه جک
صورتدن مقطوعاً اوتوز غروش خرج الیه جغنی

تصریح و تعدیل ایش و صکره دن وقوعبولان
طلب اوزرینه اخراج و اعطا اولنه جق و یاخود
مدعی شخصی طرفندن استحصال قلنه جق
صورتلر دن مذکور قرق برنجی ماده موجبجه
عدد کلمات اوزرینه خرج استیفاسی لازمه دن
بولنش اولغله و مومی الیه قسطنان حقنده کی
اعلام صورتی هانکی قسطنان ایسه خرجنک
اکاکوره استیفاسی لزومی کوستریله رک بوصورت
مأموریت مشار الیه بالجمله ولایات محاکم
استینافیه مدعی عمومیلکرینه اشعار و اشبو
تخریرات عمومیه نک نسخ مطبوعه کافیه سی لفاً
تسیاری قلمغله بیان حاله ایتدار اولندی

(عدلیه نظارت جلیله سندن فی ۲۴ جاذی)
(الاخره سنه ۱۳۰۳ و فی ۱۸ شباط سنه)
(۱۳۰۱ تاریخی بالعموم ولایات عدلیه)
(مفتش کلرینه یازیلان تخریرات عمومیه نک)
(صورتیدر)

ناحیه مجلسلرنده حبس جزاسیله محکوم ایدیه جک
کسانک نواحی مرکز لرنده مجازاتی و اوجهته
بونلرده برر محبس بولندیلمسی درکار ایسه ده
حالی حاضر خزینه بوکا مساعد اولماسنه
و مجالس مذکور نک قبایجه متعلق صلاحیت

قانونیه سی دائره سندن تحدید و تعیین ایدیه جکی
حبس جزاسی مدتک نهایی برهفته دن عبارت
اولمسیله بویولده محکوم اولان کسان مرکز
ولایت حبسخانه کوندر یله جک اولسه مدت
جزاییه لری عزیمت وعودتلی اثناسنده کچه جکندن
و شو صورت عدالته مغایر اوله جغندن ناحیه
مرکز لرنده بری توقیفخانه و دیگری حبسخانه اولوق
اوزره ضبطیه قغوشلری اتصالننده شمذیک ایکی
اوطه تخصیصی خصوصی شورای دولت داخلیه
دائره سنجه قرار لشدیر یله رق کیفیت بالجمله ولایات
ایله مستقلاً اداره اولنان متصرفلققره تبلیغ
اولندیغی داخلیه نظارت جلیله سندن باتدکره
بیلدیرلش اولغله بیان حاله مبادر بقلندی

(عدلیه نظارت جلیله سندن فی ۱۴ جاذی)
(الاخره سنه ۳۰۳ و فی ۸ مارت سنه)
(۱۳۰۲ تاریخی بالعموم ولایات عدلیه)
(مفتش کلرینه یازیلان تخریرات عمومیه نک)
(صورتیدر)

سلک جلیل عسکریده بولنوب اسامیسی سبج
عسکریده مقید بولنان نفرات شرعاً مستحق
انفاق اولسنه مینی امرا و ضابطان و نقراتدن قدم
جهتیه و حرب و پاخدمت اوزرنده معلول اولوب

(محارر مدعی عمومی و معاون لیکرینه یاز یلان)
(تذکره و محررات عمومیہ تک صورتیدر)

رسم تمغا قانونک یکرمی ایکنجی مادہسی حکمنجہ پول یاپشیدیرلماش اولدیغی حالده محاکم و مجالسه و سائر دوائر رسمیه به ابراز اولنان سنداتدن رسم نسبی به تابع اولنلر ایچون اخذی ایجاب ایدن جزای تقدی اول سندک حاوی اولدیغی مبالغت بوزده اوچی مقدارینه مساوی اوله جق ایسه ده رسم مقطوعه تابع اولان سندات و سائر ایچون جزا اخذی لزومنده انک مقداری یارم عثمانلی التوندن اوچ عثمانلی التونه قدر متفاوت اولمسیله بوقوله سندات و سائر جزای تقدیرینک تعیینی بونلرک اخذی قرار یی و یرن محاکم و مجالس و سائر مأمورینه مائد بولندیغی و اختلاف اولور ایسه دستورک اوچنجی جلدینک طفسان یدنجی صحیفه سنده مندرج رسم تمغا جزای تقدیسی نظامنامه سنک مواد مخصوصه سی موجبجه حل و تسویه سی لازم کلدیکی حالده بعض محاررجه رسم مقطوعه تابع سندات و سائر جزای تقدیرینک مجرد حاملرینک استحصال موافقتی مطالعه سیله اک خفیف درجه ده تعیین قلمقده ایدوکی استخبار ایدلسنه و احکام قانونیه نک حسن محافظه سیله حقوق دولتک عدم اضاعه سی ایسه بالجمله مأمورینک وظائف اساسیه سندن بولمسنه مبنی اشبو جزای تقدیرک او مقوله پولسز سنداتده مندرج خصوصانک درجه اهمیتیه متناسباً

تقاعدی احرا اولنان اشخاصک جزا قانونی موجبجه مؤبدأ و یا موقتاً کورکه وضع اولمسنی موجب فعل قتلہ مجاسرتی تطقی ایلدیکی حالده شخص مرقومک نائل اولدیغی تقاعد معاشنک اعطا و یا عدم اعطاسی شرعاً رأی سلطانی به متوقف اوله رق شو حالده بومثللو ظهور ایدجهک اولنلر معاشلرینک قطع و یا عدم قطعی خصوصنک حقلرنده ترتیب اولنان مجازات قانونیه حکم مضبطه لرینه درجیه رأی عالی به تعلیق طرف عالی حضرت فتوا پناهی ایله جریان ایدن بخابره اوزرینه بالتنسب مقام جلیل سرعسکری به یلدیرلش و بوقرارک محاکم عمومیہ به لزوم تبلیغی شورای دولت تنظیمات دائره سنندن تنظیم اولنوب پورلدی ساهی ایله دائره عدلیه به تبلیغ بوریلان مضبطه صورتده کوسترلش اولغله و اشبو تکریراتک نسخ مطبوعه کافیه سی لغاً تسبیار اولغله قرار واقعک دائره تفتیشلری داخلنده بولنان محاکمه تبلیغنه همت

(عدلیه نظارت جلیله سنندن فی ۲ رجب سنه)
(۳۰۳ و فی ۲۵ مارت سنه ۳۰۲ تاریخیه)
(بالعموم در سعادت محاکمی ریاستلر به اعلامات)
(شرعیه اجرا مأموریت بهیسه سنه و ولایات)
(شاهاته عدلیه مفتش لیکرینه ایجاب ایدن)

تقدیریه حکم قانونک محافظه احکامی اسبابنک استکمالنه دقت و اعتنا اولتمسی بوکره مالیه نظارت جلیله سنندن باتذکره اشعار اولنهرق کیفیت لازم کلنره یلدیرلش و اوراجده ده تعمیم کیفیت اولتمق اوزره اشبو تکریراتک نسخ مطبوعه کافیه سی علی الاصول لغاً ارسال قلمش اولغله ایفای مقتضاسی خصوصنه همت

(عدلیه نظارت جلیله سنندن فی ۲۵ مارت)
(سنه ۳۰۲ تاریخنده ولات عظام و مستقلاً)
(اداره اولنان متصرفین کرام ایله عدلیه)
(مفتش لیکرینه یاز یلان تکریرات علیه نک)
(صورتیدر)

قضا و لو ابدایت محاکمی اعضاسیله مرکب محاکم استینافیه و ابتدایه سنک موظف و فخری اعضاسنک ولایت نظامنامه سی احکامنه توفیقاً انتخابیه هر محکمه ده عدد اعضانک ترتیب قانونیسنه توفیقی هر بار مقام نظارتدن تعمیماً اشعار قلمقده اولدیغندن و اعضانک بهرسنه نصنی تبدیل اولتمق اوزره ایکی سنه مدته انتخاب اولنهرجعی نظامنامه مذکورک جمله احکامندن بولندیغندن انتخاب اعضا ماده سنک حکم نظامه توفیقی ایچون حلول ایدن اوچبوز

ایکی سنه سننده محاکم اعضای موجوده سنندن نصفنک تبدیلیله نصف اعضانک انتخابنده کما فی السابق نظامنامه مذکورک فصل ثانی وثالث و رابعنده مندرج اصول و شرائطه امثال ایله فخری و موظف اعضانک درجه اهلیتلی نقطه نظرندن تقریبی یعنی اعضای جدیدنه هر حالده اوصاف حاکمیتی حائز اولغله برابر تشکیلات محاکم قانونک اوتوز ایکنجی ماده سی موجبجه محاکم استینافیه نک حقوق و جزا دائره لرنده بولنه جق اولان اعضادن بالنسبه اهل اولنلرینک توظیفی ایله دیکرلرینک صورت فخریه ده استخدای و استعفا و یا خود عزل مثللو احوالدن طولایی منفصل اولان اعضا یرینه انتخاب قلنان ذواتک مدت قانونیه لرینی اکمال ایتمکسزین تبدیلی حکم نظامی اخلاص ایده جکندن بوقورقه تجدید ایدیلان اعضانک اکمال مدتلرینه قدر اعضا لقدم ابقاسی بالجمله ولات عظام و مستقلاً اداره اولنان متصرفین کرام حضراتیه عدلیه مفتش لیکرینه اشعار قلمش اولغله ولایت داخلنده بولنان محاکم اعضاسی انتخاباتک برمنوال محرر اجراسی خصوصنه

(محکمه تمیز باش مدعی عمومیک دائره سنک استاتستیک جدولیدر)

صادرہ قسمی	واردہ قسمی
۲۱۴۰ محکمه تمیز جزا دائره سنه بائلیغنامه	۱۷۳۱ اوچبوز سنه سنیدن دور اولنان اوراق
کوندریلان اوراق	۵۲۵۲ برسنه سنه کلان اوراق
۰۰۱۹ ظہریہ و ذیل اولہرق محکمه تمیز جزا	۱۴۰۶ محکمه تمیز جزا دائره سنیدن کلان اعلانات
دائره سنه کوندریلان اوراق	۸۳۸۹
۰۳۰۱ مطالعہ نامہ ایلہ محکمه تمیز حقوق	
دائره سنه کوندریلان	
۲۷۳۱ تذکرہ و مذکرہ و تقریر و تلغرافنامہ	
وتحریرات اولہرق یازیلان	
۰۶۸۵ باظہریہ محال معلومہ یہ ارسال قلنان	
۵۸۷۵	۸۳۸۹
	۵۸۷۵
	۲۵۱۴
	۴۷۸ اوراقیلہ برشدیریلان
	۲۰۳۶
	۲۶۱ معاملہ سی بالاجرا حفظ ایدیلان
	۱۷۷۵
	۲۷۵ در دست تسوید و تبیض و مقابله و تحری پولنان اوراق
	۱۵۰۰ در دست تدقیق پولنان اوراق

قسم غیر رسمی

اوچبوز برسنه سی کانون اولنک یکریمی دردنجی صالی کچہ سی ساعت بر بچق قرارلرنده طوبخانہ ده کائن قلیج علی پاشا جامع شریفی موقنخانہ سنک قپوسنی آلت مخصوصہ استعمالیلہ اچہرق فضیحہ سرقتہ جرأت ایتسندن طولابی مظنون علیہ بولنان کوچک عباسک محاکمہ سیدر

اوچبوز برسنه سی کانون اولنک یکریمی دردنجی صالی کچہ سی ساعت بر بچق قرارلرنده طوبخانہ ده کائن قلیج علی پاشا جامع شریفی موقنخانہ سنک قپوسنی آلت مخصوصہ استعمالیلہ اچہرق فضیحہ سرقتہ جرأت ایتسندن طولابی مظنون علیہ بولنان کوچک عباسک جنایتلہ اتہامنہ دائرہ ہیئت اتہامیہ دن تنظیم اولنان فی ۸ شباط سنہ ۳۰۱ تاریخلی ودرتیوز یتش نومرولی مضبطہ ایلہ استیناف مدعی عمومیلکی مأموریت بہیہ سنک فی ۲۲ شباط سنہ ۳۰۱ تاریخلی و بیک بشیوز یتش درت نومرولی اتہامنامہ سی اوراق متفرعہ سیلہ فی ۸ مارت سنہ ۳۰۲ تاریخندہ محکمه جنایتہ تودیع اولنغلہ بالمطالعہ اصول محاکمات جزایہ قانون موقنک ایکبوز قرق سکرنجی وایکبوز قرق طقوزنجی مادہلرنہ توفیقاً متہم مرقوم عباس شہر مذکورک اونجی بازار ابرتسی کونی توفیقخانہ دن جلب ایلہ لدی الاستجواب درافعاتندہ

معاونت ایتک اوزرہ بروکیل انتخاب ایلیسی تکلیف اولندوقدہ منتخب وکیل اولمدیغنی سویلیکلہ محکمه زندنہ بولنان دعوی وکیلرندن اوخانس افندی جانب محکمه دن مرقومہ وکیل تعیین قلنہرق ادعای مفسوخیت حقندہ اولان قانون مزبورک ایکبوز الی برنجی مادہ سی مندرجاتی اخطار اولمدیغنی مبین تنظیم اولنان ضبط ورقہ سی تحت امضایہ الندی ادعای مفسوخیت حقندہ معین اولان مدت قانونیہ منقضیہ اولنغلہ مرقوم عباسک اجرای محاکمہ سی اوچبوز ایکی سنہ سی مارتک یکرمنجی پنجشنبہ کونہ قرارلشدیرلدی

بوم مذکورده قانون مذکورک ایکبوز التمش اوچنجی مادہ سنہ توفیقاً مرقوم عباس توفیقخانہ دن کتوردیلہ رک وکیل اوخانس افندی یانندہ اولدیغنی و مدعی عمومی معاونی عزتلو جدی افندی ایلہ مدعی شخصی ساعنجی حاجی حسن افندی دخی حاضر بولندقنری حالہ محاکمہ علنیہ یہ بالابتدار جانب ریاستدن ایراد اولنان سؤال اوزرینہ اون التی یاشندہ نیشلی اولوب کوچکلک ایتکدہ واوتہدہ برودہ اقامت ایتلکدہ بولندیغنی سویلیان مرقوم عباس ایلہ وکیل موچی ایلہ اوخانس افندی یہ قانون موقت مزبورک ایکبوز التمش دردنجی وایکبوز التمش بشنجی مادہ لری مدلولاتی بعد الاخطار اتہام مضبطہ سیلہ اتہامنامہ ضبط کانی عزمی بکہ قرائت ایتدیرلدی

مضبطہ مذکورک مالی مرقوم عباس اسملرینی کتم ایلدیکی رفیقہ یلہ موقنخانہ مذکورک قپوسنی

آلت مخصوصه استعمالیله اچهرق فعل سرقتی ابقاع ایلدیکی اقرار مؤلی ابله مرتبه ثبوت واصل اولمش و بناء علیه حرکت واقعه سی قانون جزانک ایکوز بیکر منجی ماده سی حکمنی مستلزم افعال جنائیهدن بولنش اولمغله اووجهله اتهام اولندیغنی و اتهامنامه سنک نتیجه مؤداسی دخی مضبطه مذکوره مندرجاتی وجهله مرقوم عباسک متهم بولندیغنی میدندر

قانون موقت مذکورک ایکوز التمش التجبی ماده سنه توفیقاً اتهامنامه نک خلاصه سی متهم مرقومه تفهیم و معاون مومی الیه جانبدن دخی اسباب اتهامی بیان و تشریح اولندقدن صکره مرقوم عباس سو یلتدیرلده برکونک اوغلنده اوروپا تیار و سنده او تورمده ایکن سرخفیه جبال افندی بالورود کندوسنی در دست ایدرک غلطه سراینه کوندردیکنی و اوراده براوطه یه یالکز اولهرق کندوسنی کوندره رک موقتخانه دن وقوع بولان سرقتک فاعلی کندوسنی اولوب رفیقلمری دخی قورت قریه لی محمد پهلوان ابله حسن چاوش اولدیغنی و سرقت ایتدکری چانظه نک بری سیاه و دیگری جیبندن چیقاردیغنی صاری رنگلی طبقه بی کوستره رک بورنکده ایدوکنی و موقتخانه مذکور قپوسنی اوزونجه برانختار ابله اچهرق چانظه رک وضعنه مخصوص اولان صندوقی دخی مرقوم محمد پهلوانک اولجه کندو اوسته سی عبد اللهک قهوه خانه سنده خنی اولهرق اوچنه بز صاردیغنی اسقار ابله اچدقلمری سو یلسنی و شو و تعلیم

و تعریفه موافق صورتده اداره لسان ایلدیکی حالده کندوسنی خفیه باز دیره جغنی و عکسی حالنده نفی ایتدیره جکنی بیان ابله تهدید ایلسی اوزرینه کره ا او طه یه مؤخرأ کلش اولان قومیسرر حضور لرنده اولوجهله افاده حال ایلدیکنی و اخیراً مومی الیه جبال افندی موقوفینک بولندیغنی محله کی پرمقنگک اوکنه کلهرک و کندوسنی چاغیره رق تحویل لسان ایتسنی و رققاسنک اوسته سی عبدالله ابله پرمقسز رضا و یکی جامعه کبابچیلای ایتکده اولان برکرد اولدیغنی سو یلسنی بیان ایتش ایسه ده شمعی اسمنی در خاطر ایدمه دیکنی و ایکنجی دفعه دخی ینه مومی الیه جبال افندیک تعلیماتی وجهله اداره لسان ایلدیکنی مضبوط افاده سی دائره سنده بالیان فعل سرقتده مدخل و معلوماتی اولدیغنی ولدی الاستیضاح مقدا کچه لمری فنارسز کز مه سنندن طولایی بالدفعات در دست ایدله رک بر کچه تحت توقیفه الندیغنی کبی بر سرقت ماده سنندن طولایی التی ماه مدتله حبس ایلدیکنی و سابقه سنک دخی بوندن عبارت بولندیغنی سو یلدی مدعی شخصی حاجی حسن افندیدن صورت وقعه و ادعاسی صورلدقده برصالی کچه سی ساعت ایکی راده لرنده ذکر اولنان موقتخانه قپوسی آلت مخصوصه ابله اچیلهرق و دروننده کی صندوق دخی قیربلهرق ایکی چانظه دروننده محفوظ بولنان التمش عدد ساعت و بیک غروشلق ورقه صحیحه و قونطورانو پولاری و بوز غروش پول اثمانی و ایکی عدد عقیق تسبیح

و بر جزدان دروننده بولنان اورا قک سرقت اولندیغنی و مسروق ساعتمدن اکثریسی کندو مالی اولوب بعضیلری مشتری طرفندن یا بلیق اوزره براغلدیغنی بیان و سرقتک فاعلاری حقلرنده معاملات قانونیه نک اجرا سیله اموال مسروقه سنک استردادینی طلب و در میان ایلدی مدعی عمومی طرفندن بالا عطا قرائت اولنان پوصله ده اسملمری محرر اولان سرخفیه جبال و پولیس افرادندن محمد افندیلر دعوت واقعه اوزرینه ورود ایتش اولمردن ناشی قانون موقتک ایکوز التمش سکنجی ماده سنه توفیقاً بعد التحلیف اصولی دائره سننده استماع اولندقدن بولمردن مومی الیه جبال افندی قلیچ علی پاشا موقتخانه سنندن وقوع بولان سرقتک فاعلرینی تحری ضمنده طولاشتمده ایکن اوروپا تیار و سنده بومتهم عباسه بالتصادف ذاتاً مرقومک سابقه سنندن طولایی او جوارده بولندیرلده مومی مجلسی قراری اقتضاسنندن بولنسی ملا بسه سیله مرقومی در دست ایدرک بلکه موقتخانه سارق لرینه دائر بر سر رشته النور مطالعه سیله غلطه سراینده قومیسر تابیدن افندی و سائر حاضر اولدقلمری حالده مرقوم عباس استیجواب ایدلده برکون اوسته سی عبد اللهک قهوه خانه سننه قورت قریه لی محمد پهلوان ابله حسن چاوش کلهرک بر مدت او توردقدن و مرقوم محمد پهلوان جیبندن چیقاردیغنی بر تیمور اوچنه کزلیجه بر بز صاردقدن صکره کتدکار بینی و کچه ساعت ایکی بچق راده لرنده حسن چاوش کلوب کندوسنی چاغرمسی اوزرینه ایشی ابله مشغول بولندیغنی جهته ارقه سننده

یالکز بر فانیله بولندیغنی حالده قهوه خانه دن چیقارقی محمد پهلوان اوکده حسن چاوش دخی ارقه ده اولدقلمری حالده موقتخانه اسکله سننده بیغلمش اولان اودونلرک یانه کلده کلرنده مرقوم حسن چاوشک النده و قولنغنی النده بری سیاه دیگری صاری رنگده بولنان ایکی عدد چانظه بی اودونلرک اره سننه صافلیهرق ارتق رفاقتنه حاجت قالدیغندن بحثله مرقومانک کندو سنندن ایرلدقلمری و او کچه ینه قپو ایچی قره غولخانه سی اتصالده بولنان جامده مرقومان ابله برلشدکار بینی و شمعی یه قدر حکومته اخبار کیفیت ایتامسی مرقومانک محل اقامت لرینک تحقیقی ابله مشغول بولنسنندن ایرو کلدیکنی بیان ایلدیکی جهته افاده سی بولده پولیس افرادندن محمد افندی یه ضبط ایتدیر یلهرک قرتال قائم مقام لغنی واسطه سیله قورت قریه سننده تحریات لازمه اجرا قلندیغنی حالده قریه اهالیسنندن محمد پهلوان ابله حسن چاوش نامنده آدم بولدیر بله مدیغنی و اخیراً مرقوم عباس نحو یل لسان ایدرک فعل سرقتده رفیقلمری اوسته سی قهوه جی عبدالله ابله پرمقسز رضا و کبابچی کرد حسین اولدقلمری سو یلدیکنی و محمد افندی دخی مومی الیه جبال افندیک اخباری وجهله مرقوم عباسک افاده اولیه سی ضبط ایتش ایسه ده ایکنجی افاده سننده حاضر بولندیغنی افادات مضبوط لمری دائره سننده بیان ایللمری اوزرینه متهم عباس پولیس دائره سننده کی افاداتک کندو طرفندن وقوع بولان تعلیم و تهدید اوزرینه اولدیغنی مصرأ سو یلسنکده ایدوکنندن بوجهته نه دیه جکی مومی الیه جبال افندیدن

و علیه‌نزد و قوعبولان شواخبارات ایله شاهدلرک
 ذات وشهادتلی حقمنده بر دیه جکی اولوب اولدیغی
 مرقوم عباسدن سـؤال اولندقده مومی الیه جمال
 افندی مرقوم عباسک برنجی افاده سنی افراددن
 محمد افندی ضبط ایش وایکنجی افاده سنده
 دخی قومیسر عابدین و خفیه چاوشی حقی افندیلر
 حاضر بولنش اولدقلرندن بو تعلیم و تهدید مسئله سی
 مقارن صحت اولسه مومی الیه مکی دخی خبردار
 اوله جقلری طبیعی بولندیغنی تذکار و مرقوم عباس
 دخی جمال افندی ایله عسکر بولندقلری صروده
 بیلنرنده حاصل اولان خصوصته مینی پولیس
 دائره سنده کی افاداتی کندوسنک تعلیم و تعریف
 ایلدیکنی کتم ایدرک علیه‌نزد اخبار ماده ایلدیکی
 جهتله قبول ایتیه جکی و حقیقت حالک ککندو
 افاده سندن عبارت ایدوکنی بالبیان انکارنده اصرار
 ایلدی قرائت اولنان اساس ژورنالی ایله معاینه
 راپورتی مألری موقنخانه مذکور قپوسی کیچه
 ساعت ایکی راده لرنده آلت مخصوصه ایله
 اچیلهرق و دروننده کی صندوق دخی سارقلر
 طرفندن اوراده ترک ایدیلان استار پله ایله قیریلهرق
 معلوم المقدار ساعت وساره سرقت ایلدیکنی
 بیاندن عبارت اولدیغی اکلاشلغله مرقوم عباسک
 پولیس دائره سنده کی ایکنجی افاده سنده حاضر
 بولنان قومیسر عابدین و خفیه چاوشی حقی افندیلرک
 جلب واستماعلری لزومنه واکمال محاکمه نیک یوم
 آخره تعلیقنه قرار ویریلهرک طرفینه تفهیم اولندی
 فی ۲۷ مارت سنه ۱۳۰۱

(ایکنجی محاکمه)

بر موجب قرار اجرا قلنان تبلیغات اوزرینه
 قومیسر عابدین افندی ایله خفیه چاوشی حقی
 افندیلر ورود ایش اولملرندن ناشی اوچبوز ایکی
 سنه سی مارتک بکرمی طقوزنجی جمعه ابرتسی کونی
 متهم عباس قانون دائره سنده توقیفخانه دن
 کتوردیلهرک وکیلی اوخانس مارقاریان افندی
 یاننده اولدیغی ومدعی عمومی عزتلو جدی افندی
 ایله مدعی شخصی ساعتی حاجی حسن افندی
 حاضر بولندقلری حالده اکمال محاکمه یه بالابتدار
 قرائت ایتدیریلان ضبط سابق مندرجاتی طرفیندن
 تصدیق اولندقدن صکره مومی الیه عابدین و حقی
 افندیلر قانون موقتک ایکبوز ایش سکرنجی
 ماده سنده توفیقاً بعد التحلیف استماع اولندقلرنده
 بولردن قومیسر عابدین افندی برکون غلطه
 سراینده نوبت او طه سنده او تورمقده ایکن اسمنی
 مؤخرأ اوکرندیکی بو متهم عباس سرخفیه جمال
 و خفیه چاوشی حقی افندیلر طرفلرندن استجواب
 اولتمده و حقیقت حالی سونلیسی ایچون وصایای
 لازمه اجرا ایللمکده اولدیغی و مومی الیه جمال
 افندیک او طه دن طیشاری چیقدیغی صروده
 مرقوم عباس مادامکه اوستنم قهوه جی عبده
 بنی یاقه جقدر بنده حقیقت حالی بیان ایده میدیدیکنی
 و اخیراً مومی الیه جمال افندیک ایچرو کیردیکنی
 کوروب ایشیدلیه جک صورتده قولاغنه برسوز
 سونلیسی اوزرینه مومی الیه دخی قلم وساره

تدارک ایدرک افاده سنی ضبطه بدأ ایتدیکنی و مرقوم
 عباس اسکی افاده سنک خلاف اولدیغندن بختله
 اوسته سی قهوه جی عبده و کبایجی رضا
 و کردحسین برلکده و درت کشی اولدقلری حالده
 قلنج علی پاشا موقنخانه سنده کیدرک و اوزونجه
 برانختار ایله قپوسنی اچهرق اوسته سی عبده
 ایله کندوسی طیشاروده بکلمکده لر ایکن مرقومان
 رضا و حسین موقنخانه دروننه کیروب او جنده
 بزصار بلی اولان تیمور ایله اوراده بولنان صندوغی
 قیرهرق ایکی چانظه الدقلرینی و موقنخانه اسکله سنده
 بیغلمش اولان اودونلرک ارسنده ذکر اولنان
 چانظهلری صقلادقدن صکره کندوسی مرقوموندن
 ایزلیدیغی و او کیچه ساعت طقوز راده لرنده قپو
 ایچی قره غونخانه سی اتصالنده بولنان جامده
 مرقومونه بالتصادف ایقاع ایتدکلی سرقت فعلندن
 برکیمسه یی خبردار ایلدیکی حالده کندوسی تلف
 ایده جکلرینی سو یلدکلی جهتله شمیدی یه قدر
 بیان حال ایده میدیکنی بالبیان اقرار جرم ایلدیکنی
 ایشتدیکنی اخبار و حقی افندی دخی مرقوم عباسک
 پولیس دائره سنده ضبط اولنان ایکنجی افاده سنی
 مومی الیه عابدین افندیک اخباری و جهله بیان
 و تذکار ایللریله اشبو اخبارات ایله شاهدلرک
 ذات وشهادتلی حقمنده نه دیه جکی مرقوم
 عباسدن سـؤال اولندقده اخبارات واقعه طوغری
 اولوب انجق پولیس دائره سنده سبق ایدن افاداتی
 کاملاً مومی الیه جمال افندیک تعلیم و تهدیدینه
 مینی ایدوکی حقمنده اولان افاده سنده اصرار

ایتمسینه ثقیقاتک بودرجه ده ایدوکی بیان اولندقده
 معاون مومی الیه جدی افندی متهم مرقوم عباسک
 فعل سرقتک اسملرینی کتم ایلدیکی رفقاسنده
 اشترکی اقرار مؤلی ایله ثابت اولدیغندن مجرمیتک
 تحت قراره التمسینی و مدافعه وکیلی اوخانس افندی
 دخی موکلی عباسک برنجی افاده سنک عدم صحتی
 قورت قریه سنده اولدقلرینی خبر ویردیکی
 اشخاصک لدی التحری بولدریله مامسی ایله میدانده
 اولدیغی کبی ایکنجی افاده سنک دخی تعلیم و تهدیده
 مینی ایدوکنی سونلکده ایدوکنندن علیه‌نزد حاصل
 اولان احوال تجریمی ایچون قناعت بخش ایدر
 درجه ده بولندیغندن برائت ذمنه قرار ویرلمسینی
 طلب ودرمیان ایتلریله ولدی السـؤال طرفینک
 بشقه بر دیه جکلری اولدیغی اکلاشلغله محاکمه نیک
 ختام بولدیغی بیان اولنهرق مذاکره او طه سنده
 کلندی
 طرفینک ادنا و مدافعاتک استماعندن و اواق
 تحقیقینه نیک بالاطراف مطالعه و تدقیقندن صکره
 ایجاب کیفیت لدی المذاکره متهم عباس پولیس
 دائره سنده کی اقرارینی و اخیراً تحویل لسان
 ایتسینی سرخفیه جمال افندیک تعلیم و تهدیدینده
 بنا ایله انکار تهمت ایتمکده و وکیلی طرفندن دخی
 بوجه محرر مدافعه اولتمقده ايسـنده مرقومک
 پولیس دائره سنده سبق ایدن برنجی وایکنجی
 افاداتنده قومیسر عابدین و خفیه چاوشی حقی
 و پولیس افرادندن محمد افندیلرک حاضر بولملرینه
 نظراً شو تعلیم و تهدید مسئله سی مقارن صحت

اولم اولسه اوراده حاضر بولسا نلرك دخي معلوماتلري اوله جنجى طبعى اولوب حالبوكه موى اليه عابدين وحق و محمد افنديلرك حضور محكمه ده مع القسم مرقوم عباسك تعليم و تهديد اولنديغى حقدده كي افاده سنى قطعياً تكذيب ايتلرينه و بويله مجرد جمال افنديك تعليم و تهديدى اوزرينه اقرار جرم ايتمى استبعاد اولنور احوالدين بولمغله برابر مرقوم ذاتاً مظنه سوء طاقتدن اولمسنه كوره انكارى واهى و وكيل موى اليهك مدافعاتى دخي مردود اولوب بناء عليه مرقوم عباسك ادما اولنان فعل سرقى مجهول الاسامى رفقاسيله اجرا ايلديكى تحققاتيتمكلمه مجرميته ثلثان اكثرثت آرا ايله قرار و يريلهرك اولبايده تنظيم اولنان قرارنامه علناً قرائت ايتديلركده معاون موى اليه جدى افندى مجرميتى قرار كير اولان عباسك حركتى قانون جزانك ايكيوز يكر منجى ماده سنه موافق اولديغندن اولوجهله تعيين مجازاتنى و وكيل اوخانس افندى دخي تخفيف جزاسنى طلب ايتلر يله مذاكره او طه سنه عودت اولندى

جهت جزاييه سى دخي لى التذكر مجرم مرقوم عباسك حركت متبينه سى قانون جزانك قرق بشنجى ماده سى موجبجه ايكيوز يكر منجى ماده سنه موافق اولديغنه و مذكور قرق بشنجى ماده ده برجرمك مشترك فاعلارى قانونك صراحتى اولميان مواده اولجرمك فاعل مستقل كى مجازات اولور و ذكر اولنان ايكيوز يكر منجى ماده قانونيه ده دخي هر نقدر انسان اقامت ايدر محل اولسه و مسكون

محلته متعلق بولمسه بيله قبالي و ديوار ايله محدود اولان محللك ديوار بنى دلهرك و يازدبان ايله اشهرق و يآلت مخصوصه ايله قپوسنى اچهرق خرسزلق ايدنلر موقناً كوركه قونيلورلر ديومحرر بولنديغنه مبنى مواد مذكوره احكامنه توفيقاً و ابتداى توقيفى اولان اوچيوز اوج سنه سى ربيع الاخرينك التجبى كونندن اعتباراً اون التى ياشنده بولمى ملبسه سيله بلا تشهير اوج سنه مدته كوركه قونلنسنه وضبط و اعلام و استنطاق خرچلرى اولان جمعاً بشيوز يكرمى غروشك دخي مرقومدن بالتحصيل عدليه و زنه سنه تسليم ايتديلرلسنه و مدعى شخصى حاجى حسن افندى حقوق شخصيه سنه دار براسندما كتورهرك تعقيب دعوى ايلديكى حالده او جهتك دخي ايروجه رؤيت ايدلسنه اوچيوز اوج سنه سى رجبينك يديسنه تصادف ايدن اوچيوز ايكي سنه سى مارتينك يكرمى طقوزنجى كوني اكثرثت آرا ايله قرار و يريلهرك قانون موقتك ارأه و تعريف ايلديكى وجهله تفهيمى اجرا و معاملات ساره دخي ايفاقلندى في ۶ نيسان سنه ۳۰۲

(محكمه تمير جزا دائره سى)

محكمه اعضاسندن برينك غيو بنده يرينه اعضا ملازملرندن برى بولمقى حكم قانون اقتضاسندن ايكن محكمه باش كاتبنك اعضا ملازمنه وكيل تعيين اولمى نقض حكيمى موجب اولور

(خلاصه اعلام)

ديتوقه سنجانى بدايت محكمه سى جزا دائره سنك في ۹ صفر سنه ۱۳۰۲ وفي ۱۵ تشرين ثاني سنه ۳۰۱ تاريخلى وسكسان بش نومرولى اعلاميله اوراق متفرعوسى باش مدعى عموميك مأموريت عليه سندن في ۱۴ رجب سنه ۱۳۰۲ وفي ۱۷ نيسان سنه ۱۳۰۱ تاريخلى و بوزيتش التى نومرولى تبليغنامه ايله محكمه تمير جزا دائره سنه اعطا قلمغله و اعلام مذكورك خلاصه مالى جسر مصطفى پاشا قضا سنك اورته كوى حدودنده واقع كوركن قريه سى اهاليسندن صاغر احمد اغانك طقسان طقوز سنه سى تموزينك بكرمى برنجى كچه سى سرقت قصديله مسلماً خانه سنى باصوب اوغللرى عارف و مصطفىاى جرح ايتلرندن طولايى مستنطق طرفندن و يريلان لزوم محماكه قرار نامه سى اوزرينه هيئت اتهاميه جه جنائتله اتهام اولنان اورته كوى قضا سنه تابع رحمت قريه لى كوسه اسماعيل اوغلى اوتوز بش ياشنده احمد واتارن قريه لى احمد اوغلى يكرمى سكر ياشنده قره كاملك اجرا قلنان محاكمه علنيه ده افعال مذكوره به اجنيسارلرى اخبارات و امارات ايله ثابت اولديغندن مجرميتلرينه و قانون جزانك اوتوزنجى ماده سى ذليله ايكيوز اون سكرنجى ماده سنه توفيقاً و تاريخ توقيفلرى اولان بيك اوچيوز سنه سى شوالنك التجبى كونندن اعتباراً بعد التشهير اون بشر سنه مدته كوركه قونلرينه

و خرچ اعلام ايله مصارف محاكمه اولان ايكي بيك بشيوز التمش بش غروشك مرقوماندى اخذ اولمسنه قرار و يريلهرك تفهيم قلنديغى حاوى و مذكور تبليغنامه مفاديه اعلام مذكور حقدده حسب الوظيفه اعتراضه محل كور يله مديكى محتوى بولمغله محكمه تمير جزا دائره سى اسباب آتياه مبنى في ۱۶ ذى الحجه سنه ۱۳۰۲ وفي ۱۴ اغستوس سنه ۳۰۰ تاريخلى و ۵۱۳ نومرولى قرار يله اعلام مذكور حكيمى نقض ايتمشدر

(فقره حكيميه)

سار اوراق دعوى دخي قرائت و تدقيقات تميريه اجرا سنه مبادرت اولندوقده خصوص مذكورك حين محاكمه سنه محكمه باش كاتبنك اعضا ملازمنه وكيل تعيين اولنديغى اكلاشش اولوب حالبوكه اعضاى هيئتن برى بولنرسه يرينه اعضا ملازملرندن برى بولندرلىق حكم قانون اقتضاسندن و وظيفه حاكيتك محكمه باش كاتبنه توديعى مخالف قانون و بناء عليه نقض حكيمى موجب اسبابدى اولمغله اعلام مذكور بوجهتن طولايى اصول محاكمات جزاييه قانون موقتك اوچيوز اون دردنجى ماده سى موجبجه نقض اولنديغندن و بو حالده امر محاكمه به متعلق جهاتك و واقع اولان حكيمك تدقيقنه محل قالدديغندن قواعد قانونيه به توفيقاً تكرر اجراى محماكه ايديلهرك نتيجه حاصله به كوره كيفيت ديكر اعلامه ربط ايدملك اوزره اوراق

مرقومه نك محله اعاده سنه و خرج تعرفه سنك
قرقچي ماده سي منطوقچه نقض اعلامي خرجي
اولان ايكبوز غروشك محكومان مرقومانن اخذ
واستيفاسنه قرار و برلدي

اعلان

بيوك چكجهده مقيم ذخيره جي ارستيدينك
قايقراطه قريه لي نعلبند اوغلي يانقو ذمتنده اولان
مع مصارف بيك بوز اللى سكر غروشك ايشلش
فائضيله برابر الاجعنك استيفاسيچون مديونك
قريه مزبورده املاك همابون موقعنده سكر
نومرولى عتيق اوتوز دونم و جديد اون بر دونم
يتش طقوز مربع ارشون اشجار مثره وغير
مثره بي جاوي برقطعه باغچه سي ثلث حصه سي
محموزاً صائيله جغندن اشبو تاريخدن اعتباراً
اون بش كون مرورنده ظهور ايد جك طالبلك
بيوك چكجهده اجرا مأمور لغنه مراجعت ايتلري
اعلان اولنور

في ۲۴ مارت سنه ۳۰۲

ساطور جي مصطفى پاشا زاده سعادتلو توفيق
بكت بعض كسانه محكوم به ديني بولنان مبالغ
معلومه نك تا مين استيفاسيچون تحت حجزه الديريلان
وفروختي استدا ايديلان اورته كويده واپور
اسكله سي زقاغنده كائن تخميناً و تربعاً طقسان
درت ارشون اون ايكي پرمق جديد و بوز التمش
اوج ارشون اون ايكي پرمق عتيق برطرفي موجي
حسن افنديك متصرف اولديغي اشجي دكاني
و طرف ديكرى سعادتلو سمون بك افندي و حاجي
رائف اغانك عرصه لري واوكى زقاق مذكور ايله
محدود يكرى اوج نومرولر ايله مرقم خان او طه لري
وسپنجي وبقال دكاني عرصه لرنده ميرمومى اليهك
متصرف اولديغي وفروخته موافقت ايلديكي
ثلث حصه شايه سي بوندن اول بالمزايده ليرا
بوز غروشدن اوچبيك غروشه طالبى عهده سنده
تقرر ايتش اولديغندن تاريخ اعلانن اعتباراً
اوتوز بركون ظرفنده زياده به يعنى يوزده بش
ضميله طالب اولنلك در سعادت مركز اجرا
دايره سنه مراجعت ايتلري اعلان اولنور

في ۲۷ مارت سنه ۱۳۰۲

متوفاة كشانلى ماربور بجه خانوك ۳۰۰ سنه

و ۱۷۰ نومرولى برقطعه اعلام موجبجه وسيله
وثابته خانلره ديني اولان مبالغ معلومه نك تسويه سي
ضمنده اطه كپرده خرسنوس مناستري جاده سنده
واقع اون بش نومرو ايله مرقم طرفلري صوفيجه
باغچه سي وديكر صوفيجه وواسيلاكي خانه لري
و طريق عام ايله محدود ايكي قطعه حجت شرعيه
موجبجه اينده واشجاري ملك وزمىنى سلطان
محمدخان وقفنه مقاطعه لى (۹۱۰۰) زراع منتظم
باغچه حرم و سلامق يكرى براوطه و اوج مطبخ
واوج قيو وايكي صهرنج وايكي اخور و عربه لى
وليونلى و مشتلات ساثره بي حاوى مزبوره نك
متصرفه اولديغي بر باب ملك خانه سي عندالمزايده
التمش بش بيك غروش بدل ايله طالبى عهده سنده
تقرر ايدوب اوچبوز برسنه سي شباطنك برنجي
كونى قرار قطعيلى اجرا اولنه جغنى اقدجه اعلان
اولنش ايسه ده متوفاه مزبوره نك ورثه لري مراجعت
ايدرك خانه مذكورك تقرر بر بنى حسن رضالريه
طالبنه اجرا ايد جكلر بنى افاده وداينه لر وكيلى
دخى قبول ايتسى جهته اوچبوز ايكي سنه سي
مايسنك اوچنجي جمعه ايرتسى كونى قرار قطعيلى
ويرلك اوزره تمديد مدت ايدلمش اولديغندن
مدت مذكور ظرفنده بدل مذكور اوزر ينه يوزده
بش ضميله طالب اولنلك اوغلى بدايت محكمه سي
اجرا مأمور يته و مذكور خانه بي كورمك
ايتيائلر اولديغى حالده متوفاه مزبوره نك ورثه لري

جانبندن كزدير يله جكي جهته ورثه به مراجعت
ايتلري تكرر اعلان اولنور
في ۱ نيسان سنه ۳۰۲

ملترميندن متوفى رستم پاشانك خزينه جليله به
محكوم به ديني اولان مبالغ تسويه سنه ورثه سي
طرفندن برصورت كوسترلامش وپاشاي مشار
اليهك وز بر اسكله سي جاده سنده درت نومرولى
والتي نومرولى وسكر نومرولى ومكرر سكر
نومرولى بر بر ينه متصل درت باب دكانلريه ديكر
سكر نومرولى بوز زراع عرصه حاليه و بر باب
كرجخانه سنك فروخته مطلوب خزينه نك استيفاسى
خزينه جليله وكيلى عزتلو رشيد افندي طرفندن
استدا اولنش و املاك مذكوره خزينه مشار
اليها طرفندن محجوز بولنش اولديغندن بولنلك
اون بش كونه قدر فروخته تشبثله بدلاتنه تصفيه
ديون تحويلاقي قبول اولنه جغنى در سعادت مركز
اجرا مأمور يتندن اعلان اولنور

في ۵ نيسان سنه ۳۰۲

باقر جي قبريلك در سعادت بدايت محكمه سي برنجي
حقوق دايره سنندن ويريلان في ۲۶ كانون اول سنه ۳۰۱

اعلان اعتباراً اوتوز برکونه قدر یوزده بش
ضمیمه دهاز یاده یه طالب اولنلرک اعلامات شرعیه
اجرا دائره سنه مراجعت ایللری اعلان اولنور
فی ۷ نیسان سنه ۳۰۲

نازلی قادینک در سعادت بدایت محکمه سی برنجی
حقوق دائره سندن صدور ایدن برقطعه اعلام
موجبجه محمد احسان بک و همشیره سی عطیه
و عدویه خانم زدمترنده الاجنئی اولان مبالغ
معلومه نك تأمین استیفاسیچون مدعی علیهمک
عهده تصرفلرنده اولوب تحت حجزه الیر یلان
کدک پاشا جوارنده اسیرکمال محله سنده تیارو
جاده سنده تخمیناً یوز یکرمی ارشون عتیق
والتمش اویج ارشون اوتوز اویج پرمق جدید
مکرر یکرمی اویج نومرولی برقطعه عرصه تمامنک
تاریخ اعلان اعتباراً اون بش کون صکره بالمزایده
فروخته تشبث اولنه جنئی در سعادت بدایت
محکمه سی اجرا مأموریتندن اعلان اولنور
فی ۱۱ نیسان سنه ۳۰۲

تاریخی و اویچ یوز ایتش طقوز نومرولی برقطعه
اعلام موجبجه ما کینیست عوادیه محکوم به
دینی اولان مبالغ تأمین استیفاسیچون مدیون
عهده سنده اولوب داینک طلبی اوزرینه تحت حجزه
الیر یلان خالیجی اوغلنده عبد السلام محله سنده
یاغخانه زقاغنده واقع تخمیناً و تریباً یوز برارشون
اون درت سائیم جدید و یوز سکسان درت ارشون
یدی پرمق عتیق و سعتی حاوی اون طقوز نومرولی
برقطعه عرصه تمامنک تاریخ اعلان اون بش کون
صکره بالمزایده فروخته تشبث اولنه جنئی در سعادت
مراجرا دائره سندن اعلان اولنور
فی ۷ نیسان سنه ۳۰۲

متوفی مصطفی بک ورثه سنک بورکجی اصنافندن
محمد اغا ذمتمده با اعلام شرعی الاجقیری اولان
اولان مبالغ معلومه نك تسویه سی ضمنده مدیون
مرقومک عهده سنده اولوب وکالت دوریه ایله
مرهون بولنان تحت القلعه جوارنده رستم پاشا
جامع شریفی محله سنده واقع معلوم الحدود اون
یدی نومرولی بر باب بورکجی دکانی کدکنک
یوز یکرمی سهم اعتباریه اوتوز سهم حصه
شایعه سی بوندن اقدام مزایده یه قونیلهرق لیرا
یوز غروش حسابیه اون بشبیک غروش بدل ایله
طالبی عهده سنده تقرر ایتش اولدیغندن تاریخ